

مجموعه ابو الضرب

ماسوا شائبه سندن دلی تطهیرہ چالش
پرتو حکمت و عرفان ایله تنویرہ آتش

هر ماه عربی ابتدا سیله اون بشتده نشر اولتور فنون مجموعه سیدر

جزو ۴۵ [فی غره جمادی الاولی سند ۱۳۰۲] نسخہ سی ۳ فروش

تصویر خصائلندہ اکثر زیادہ گوزہ چارہ حق بروقعہ اختیار ایتمش . حق طرفندن ترجمہ مسئلہ نیک سادہ لکنہ موافق دوشد یگندن میحث ، لسانزدہ یاپیلہ بیلہ جاک بر منتخبات مجموعہ سنہ درج اولمغہ شایان اولان آثار برگزیده دن عد اولنسه شایسته در . بیانی هیئت عمومی سی اعتبار یلہ دلسر چو جوق و ماد لن فقرہ لرینہ ترجیح اولنہ بیایر .

اون دردنجی مجتہدہ سیلویو، ینہ معتادی اولان ضعف قلبہ شدتہ مغلوب اولمش . فقط پدر یلہ ملاقاتندہ نقل ایلدیگی افراط تأثر بویولده تجاربدن بری اولنلره گورہ اکثر طبیعی واک مشروع گورینور . ینہ تکرار ایدرم برکوکلده تأثرات عاجزانه ایلہ حب وطن اتحاد ایتمز . بومجٹشک ترجمہ سنی ده بکنخدم . بکلم ایستیه رک می یابدک یوقسه طبیعت شاعرانه وحسیات اجبار یلہ میدره اکثریت اوزره ترجمہ نیک گوزللیکی موضوعک گوزللیکیله متناسب ظهور ایدیور . (مابعدی صکره)

ژان ژاق روسونک نوئل الوینزدن

بشنجی مکتوب

[سن پرودن - ژولی به]

ای قوت و قدرت الهیه ! متحمل الم واضطراب اولمغہ صالح بر روحه مالک ایدم ، برده اقبال وسعادتہ الویریشلیسنی احسان ایت . ای حیات روح اولان، عشق و محبت، یتاب اوله رق پریشان اولمقدہ اولان روحه امدادہ شتاب ایت . ای ناقابل تعریف حلاوت و لطافت فضیلت، محبوبہ نیک صوت لطیفندہ کی ممتنع الاندفاع قوت و شدت، سعادت، اذواق، تمیجات، تیر هلاهل تأثیر کثر نافذ ومؤثر در . اصابتنه کیم تحمل ایدہ بیلور ؟ او !

دروغی استیلا ایدن سبیل سعادتہ نصل کفایت ایتلی ؟ وَ برمعشوقہ پروہم
 وھراسک تلاش و خجانی نصل تسکین ایتلی ؟ ژولی خیر ! ژولیم
 دیر چوکسون ! ژولیم گوز یاشاری دوکسون ! جھانک حرمت ورعایتہ
 مجبور اولسی اقتضا ایدن کیمہ، کندیسینہ پرستش ایدن بر آدمہ، حقندہ
 تجویز ازا وجفا ایتہرک بووجھالہ کندیسیندہ دوچار حقارت و رذالت ایتامسی
 تضرع و نیازندہ بولنسون ! سزہ قارشو غیظ و انفعالہ قادر اولہ بیلسہ ایدم،
 بزی دوچار واستحقار و استیلا ایتکدہ اولا شوخوف وھراسکرایچون اولور ایدم.
 ای عوالم علویہ یہ لایق اولان حسن و جمال، صفوت کمال ! حکم و نفوذ کُرک
 درجہ سنی ایوجہ محاکمہ ایدیگز . سبحان الله ! حلاوت و لطافت شخصیه
 کُرہ پرستش ایدیور ایسہم بونک سبب مستغنی بوجم لطیفہ حیاتبخشا وَ کافہ
 خطوطنشدہ علائم علویہ رونما اولان بر روح پاک علویت نہادک علامات
 و آثاری دکلیمدر ؟

مطالبات مصرانہمہ مقاومت ایدہ میہرک نہایۃ الامر آمال و افکارمہ
 گردندادہ تسلیمیت اولمقدن متحاشی بولئیور. لکن القا ایتکدہ اولدینی حسیات
 لطافت آیاتی بر پردہ اطاعت و عصمت ایلہ ستر و اخفا ایدنلری نہ گی
 مطالبات طاقتفرسا دوچار خوف و خشیت ایدہ بیلور ؟ روی ارضدہ سزگاہ
 معاملہ متجاسرانہدہ بولنغہ قادر بر فرد حقیر وار میسدر ؟ اذن و یریگز،
 اذن و یریگز کہ مترقب اولمدیغ سولمک لذتی رشف و تذوق ایدہیم اما کیم
 طرفندن سولمک ... ای سعادت دنیویہ ! سنی نہ قدر مادونمده گوریورم ؟
 حروف آتشین ایلہ محرر و مسطور اولان شو مکتوب سوزش اسلوب
 عشق انکیزی بیک دفعہ اوقوسہم؛ بوندہ برقاب متہجک شدت و قوتنہ رغماً
 کمال اشتیاق ایلہ گوریورم کہ برقاب غیفدہ الک شدید اغراض نفسانیہ بیلہ
 خصلت مقدسہ فضیلتی محافظہ ایتکدہ در . بو مکتوب مؤثری مطالعہ
 دنسکرہ هانکی دئی محقر بولندیغکز حال اسف اشتمالدن استفادہ قصدینہ
 دوشہ جک وَ برمعاملہ آشکار ایلہ کندی کندیسینی استحقار و استکراہ ایتکدہ

اولدینگی اظهار ایلیه جکدر؟ خیر! سوکیلی دلفریم! هیچ بروجهله سزی
تغلیط و اغفال ایچون خلق اولنماش اولان بردوست حقیقی به اعتماد ایدیگز.
هر نقدر عقل و فکریم الی الابد تارمار اولمش و هر نقدر پریشانی حواسم آن
بان تزیید و افزایش بولمقده بولغش ایسه ده نزد مده شخصگز بوندن بویله هیچ
بر فاینک کسب مالکیته مشرف اوله مدینی الک گوزل، و فقط الک مقدس
برامانت بولنه جق و آتش عشقه صورت مطبوعه سی برصفت ممتنع الانحلال
مخافظه ایلیه جکدر. الک دنی بر جانوره ال اوزاتمقدن زیاده حسن جمال
عفت تمثالکزه ایصال ایدی تعرضدن لرزه ناک اوله جغم؛ و عاشقنک قتنده
هر بر تعرضدن مصون اوله رق بوله جغگز امنیت کامله نزد پردده قائل اوله جغگز
امن و اماندن اشاعی دگدر. آه! اکر هیچ بروقت بو عاشق مسعود
حضور کرده بردقیقه جق اولسون کنیدیسندن کچه جک اولورسه.... ژولینک
عاشق برووح منفور و مذمومه مالک بولنه جقدر.

خیر! فضیلتی سومکدن و از کچدیگم وقت ارتق سزی دخی سومیه جگم.
برنجی دفعه اوله رق ارتکاب دنائت و شناعتمده آرتق بی سومگری
آرزو ایتیم. ایمدی بزی برلشدیرن اول عشق صاف و رقیق نامنه تضرع
و نیاز ایدرم که بوندنبویله مستریح الحال و مطمئن البال اولیگز. سزه قارشو
احتیاط و اطاعتی ضامن و کافل اوله جق آنجق عشق و محبتدر. و کندی
حرکات و سکناتندن مسئول طوبیله جق ینه اودر. خوف و خشیتلرک نیچون
نفسانی آرزو لرمدن ایلرویه کیده جک، و بتون قلم تلذذ ایتمکده اولدینگی
سعاده آنجق کفایت ایتمکده بولندینگی حالده بشقه هانکی سعاده آرزو کش
و متحسر بولنه جغم. محققدرکه انکیمزده کنجز. مدت عمر مزده برنجی و بردفعه اولمق
اوزره سو یورز؛ و اغراض نفسانیه حقدده هیچ بر تجربه مز دخی یوقدر.
لکن بزی ارشاد و اعجاز ایتمکده اولان عرض و ناموس بر رهبر مغفیدر؟
بیک درلو مساوی و فساد قوتیله احراز ایدیالان بر تجربه مشکوکیه
محتاجیدر؟ طریق ضالته سالک اولدینگی مجهولدر. بکا اویله گیلورکه

حسیات مستقیمه نك جمله سی قعر دلمده موجود در . حال نومیدیکزده
 سویلدیگزگی مضل و مفضل ذنی دکم . فقط حسیاتی سہولتہ اظہار ایدن
 و دوچار شرم و حجاب اولہ ییلہ جک ہیچ برشی حس ایتیمان سادہ و حساس برآدم .
 خلاصہ جنایتی ژولی بی سومکدن زیادہ استکراہ ایدرم . بیلیورم !
 خیر ! بیلیورم کہ اظہار ایتیمکده اولدیغکز عشق و محبت نسیان فضائل ایلہ
 قابل تالیفیدر ؟ و بتون حلاوت و لطافتکزی بروج عفیف و مستقیمدن بشقہ
 برشی لازم اولدینی مرتبہ حس ایدہ بیلیورمی ؟

بن بو حقیقتہ نہ قدر کسب و قوف ایدر ایسہم . حیاتم اولقدر تعالی
 ایدیورر . حرمة للمقصد اجرا ایتدیگم هانکی امر خیر واردر کہ سزہ
 اظہار لیاقت ایچون ایفا ایتیمہیم ؟ آہ ! بکا القا و الہام ایدوب تطہیر
 و تصفیہ سی چارہ سنی دخی پک گوزل بیلدیگکز آتشارہ کندیکزی امنیت
 و اعتماد ایتیمکہ تنزل ایدیگکز . بکا تسلیم ایتدیگکز ودیعة قیمتداری الی الابد
 تعظیم و توقیر ایتیمکلم ایچون سزہ پرستش ایتیمکلم کافیدر . آہ ! نہ عالی
 برگوکلہ وضع یدتصرف ایدہ جگم .

معشوقہ نك شرف و اعتباری ، و تعظیم و توقیر ایدیلان عشق و محبتک
 غلبہ و اعتلا سی اولان ای سعادت حقیقیہ اذواق و اشواق عشقہ
 نہ مرتبہ مرجحسین !

روسونك كذب حقنده کی ملاحظاتی

[۴۴ : نجی جزؤدن مابعد]

مع مافیہ بوگونه کذب وریالردن کیم چکنش و بونلرک مرتکبلرینی
 کیم شدیداً طعن و تشنیع ایشلدیر ؟ مثلاً (نامیل دی غلید) نام اثرده اخلاقہ
 متعلق برمادہ موجود اولسہ ییلہ بومادہ تفصیلات شہوت انکیز و تصویرات